


Exponitur Decretum Concilii Tridentini.

IN primis cum ista lex de præmittendis Matrimonio publicis denuntiationibus sit in re gravi, graviter obligat, ita ut tam Parochus assistens, quam contrahentes illam transgredientes peccent mortaliter, nisi in casu necessitatis, quo v. gr. quis instante morte vellet ducere concubinam ad legitimandas proles, nec superset tempus recurrendi ad Episcopum pro dispensatione. 2. Dicitur in Decreto, has denuntiationes debere fieri a proprio contrahentium Parocho, ita ut si sint duplicis Parochie, ab utroque Parocho debeant fieri. Si quis tamen a paucis tempore habitaret in una Parochia, & ibi vellet contrahere Matrimonium, videtur, quod convenientius proclamationes fierent a Parocho loci, in quo prius morabatur, quam a Parocho loci, in quo nunc habitat; alias non obtinetur finis legis, qui est detegere impedimenta Matrimonii. Quando autem littera adversatur menti Legislatoris, est deserenda. Cæterum quisque sequatur mores suæ Diocæseos. 3. Dicitur, proclamationes debere fieri *ter tribus continuis diebus festis*. Dies festivi, quo nomine venit etiam dies Dominica, intelliguntur continui, quando inter eos non intercedit alius festus dies, licet intercedat dies Ferialis. Imò in aliquibus Diocæsis, si tres dies festi se immediate sequantur, nullo alio interjecto, non debent intrā istud triduum fieri omnes denuntiationes, sed oportet intrā primam, & secundam, vel inter secundam, & tertiam, diem unam saltem intercedere, ne brevitate temporis eludantur, qui aliquid impedimentum revelare tenentur. Ita Ritale Parisiense. Secundum verò Statuta hujus Diocæsis Leodiensis emanata a Georgio Ludovico, secunda Proclamatio non debebat fieri nisi infra octiduum a prima.

4. Dicitur, debere proclamari Banna in Ecclesia inter Missarum solemnias; quia, tunc frequentior est populus, unde facilis detegi potest, si quæ sint impedimenta. Non videtur tamen culpandum saltem graviter Parochos, qui extrā Ecclesiam, aut die feriali in solemnī concione, vel ubi adest magnus Populi concursus, proclamationes faceret; quia in hoc non deviare a fine Legis. 5. Dicitur, Ordinarium posse dispensare ex legitima causa, & quamvis unam tantum assignet Concilium, scilicet ne Matrimonium malitiosè impediatur, alias tamen non excludit, ut patet ex praxi communi, & ex eo quod hanc dispensationem Episcopi prudentia, & iudicio committat; non tamen sic ut a solo ejus arbitrio pendeat, sed si occurrat justa causa dispensandi. Unde idem Trid. Sess. 25. cap. 18. generaliter dicit: *Sciatis universi, sacratissimos Canones exactè ab omnibus, & quoad ejus fieri poterit indistinctè observandos. Quod si urgens, justæque ratio, & major quandoquæ utilitas postulaverint cum aliquibus dispensandum esse; id, causa cognita, ac summa maturitate, atque gratis a quibuscumque, ad quos dispensatio pertinet, erit præstandum; aliter facta dispensatio surreptitia censetur.* Hinc videntur, qui ob quamcumque causam, etiam si levem, & levisimam, vel ad solam petitionem contrahentium, aut Parochi, nulla allegata causa sufficiente, dispensant. Nomine Ordinarii hic venit etiam Vicarius Generalis Episcopi, nisi Episcopus in his dispensandi facultatem sibi reservaverit.

Petes 1. Utrum non sint aliquando repetendæ denuntiationes? R. verbis Ritualis Romani: *Si infra duos menses post factas denuntiationes Matrimonium non contrahatur, denuntiationes repetantur, nisi aliter Episcopo videretur.*

Petes 2. Quas penas incurrunt tam Parochus assistens,



DISSERTATIO III.

DE CONSENSU AD MATRIMONIUM REQUISITO.

Div. Thom. a Quæst. 45. ad 49.

ARTICULUS I.

Utrum possit esse Matrimonium sine consensu conjugum?

Matrimonium, ut jam observavimus, potest considerari, vel causaliter, & in ratione contractus; vel formaliter & in ratione vinculi. Certum est, Matrimonium non posse etiam de potentia Dei absoluta subsistere in ratione contractus sine consensu mutuo conjugum; qui contrahere est consentire, & contractus est mutus conjugum consensus: nec consequenter potest esse Sacramentum sine consensu contrahentium; quia Sacramentum fundatur in contractu, & est ipse contractus ad esse Sacramenti elevatus. Quæstio est igitur de

quàm contrahentes Matrimonium sine prævis proclamationibus, aut legitima dispensatione? R. Parochus, aut alter Sacerdos assistens Matrimonio, contracto sine prævis denuntiationibus, debet suspendi ab officio ad triennium. Cap. *Cum inhibitis* Extrā. libr. 4. tit. 3. ex Innocentio III. in Concilio Lateran. Contrahentes verò sine denuntiationibus in gradu prohibito, etiam si illum ignoraverint, *Spe dispensationis consequende careant... Non enim dignus est, qui Ecclesia benignitatem facile expectariatur, cujus salutaria præcepta temerè contempserit.* Ita Trid. Sess. 24. c. 5. de Ref. Matrim. Unde in petitione dispensationis super gradu prohibito debet exprimi iste defectus proclamationum, alioquin dispensatio censetur surreptitia. Item, quàmvis secundum Jura filii nati ex Matrimonio contracto in gradu prohibito legitimum, non sic tamen, si non præcesserint denuntiationes. Eodem, cap. *Cum inhibitis*.

Petes 3. Utrum, qui post unam, aut duas proclamationes contrahit Matrimonium, has penas incurrat? R. Qui post unam denuntiationem contrahit Matrimonium, non incurrunt penas latis a Concilio Lateran. cap. cit. *Cum inhibitis*: quia Concilium non requirit plures denuntiationes, sed tantum quod publice proponatur in Ecclesia Matrimonium esse contrahendum, ut patet ex ejus textu initio articuli. Qui verò post duas denuntiationes contraheret, probabile est, quod etiam non incurreret penam latam a Trid. secus, si post unam tantum; quia hæc pena est lata contra eos, qui solemnitates requisitas neglexerunt; qui autem adhibuit duas proclamationes, non neglexit solemnitates, sed solemnitates tantum. Odiosa porò sunt restringenda, & strictè intelligenda: non tamen culpa vacaret.

Petes 4. Utrum, qui novit impedimentum, teneatur revelare? R. 1. Si sit impedimentum dirimens sive publicum, sive occultum, quod possit probari, tenetur secundum omnes revelare; quia ideo fiunt proclamationes, & alioquin tacens causa foret, cur contrahentes viverent in continuo concubinato, aut cum scandalo separarentur. 2. Si impedimentum dirimens non possit probari, & contrahentes sint in bona fide, quidam censent, non esse revelandum; quia inutilis foret revelatio. Alii dicunt, esse revelandum; quia hic non agitur de re puniendo, ad quod requiruntur duo testes omni exceptione majores, sed de malo vitando, ad quod, inquit, sufficit unus testis fidei probate, & juratus, qui deponat ex certa scientia, idque colligi putant ex Jure. Hoc autem testimonium fretus Parochus potest, & debet denegare assistentiam Matrimonio. Verum, si lis ea de re moveatur coram Officiali? Quid contiget? Dicant Jurisperiti. 3. Si impedimentum sit tantum impediens, ut votum simplex castitatis, tenetur rescies revelare eo ferè modo, quo tenetur revelare impedimentum dirimens, quatenus scilicet tenetur impedire, in quantum potest, peccatum proximi. 4. Quæ possunt, & debent revelari, potest, & debet rescies revelare, etiam si sciat sub secreto naturali; quia secretum naturale debet cedere honori Sacramenti, & saluti proximi, etiam cum aliqua ejus infamia, nisi foret secretis monitionibus possint contrahentes a Matrimonio retrahi.

Sed quid, si Parochus noverit impedimentum ex sola Confessione sacramentali? R. Si ex Confessione impediti, debet in quantum potest a Matrimonio contrahendo deterrere; quod si non obtineat, & penitens petat Matrimonium, non potest Parochus recusare propter religionem Sigilli. Si autem sciat ex Confessione compartis, aut alterius, debet ipsum monere de obligatione revelandi impedimentum; qui, si nolit satisfacere, non est absolvendus.

Matrimonio in ratione vinculi, cujus causa efficiens, inquit Florentinum, est consensus contrahentium.

Dico. Deus potest absolute efficere vinculum Matrimonii sine mutuo conjugum consensu; non aliqua potestas humana. Prob. 1. pars. Cum Deus sit supremus Dominus corporum, & animorum, potest tradere dominium corporis viri mulieri, & vicissim, eisque inspirare amorem mutuum, quem connaturaliter exigit Matrimonium; atque ex ista traditione dominii mutui in corpora, adjuncto præteritum amore mutuo, resultat vinculum inter utrumque, sicut resultat, dum mutuo consensu sibi invicem tradunt dominium in sua corpora: ergo. Quod si foret nolitis, hoc vinculum vocari matrimoniale, quia non efficitur a consensu matrimoniali, non disputabimus de nomine, mo-

modò fætearis esse vinculum æquivalens matrimoniali, quod unum intendimus.

Prob. 2. pars. Nulla potestas humana sive civilis, sive ecclesiastica potest tradere dominium corporis viri in mulierem, nec mulieris in virum, in ordine ad Matrimonium; atque in illa mutua traditione situm est vinculum matrimonii, seu ex illa resultat: ergo. Prob. Maj. Nulla est potestas humana contra destructionem, sed in ædificationem; atque talis potestas foret exitiosa bono communi & privato: ergo. Prob. Min. Quia ex hujusmodi Matrimonio sine consensu & amore mutuo, quem potestas humana infundere non potest sicut Deus, nati sunt sequi infamissimi eventus in perniciem boni communi & privati, continuæ dissensiones, jurgia, homicidia, adulteria, divortia, pessima prolium educatio, &c.: ergo. Confirm. Nunquam Ecclesia, aut Republica usa est hoc jure, quamvis eo utendi, si habuisset, non raro fuerit necessitas pro Regnorum tranquillitate, aut fidei propagatione: ergo illud non habet.

Obj. contra 1. partem. 1. Matrimonium est corporum & animorum conjunctio; atque non potest esse conjunctio animorum sine consensu: ergo. 2. Non datur vinculum Religionis sine voto: ergo nec vinculum Matrimonii sine consensu. 3. Non datur relatio mutui juris, in qua consistit vinculum Matrimonii, sine fundamento; istud autem fundamentum quid est nisi consensus mutus? ergo. R. ad 1. N. Maj. Patet in eo, qui metu justè incusso ducit mulierem sibi exosam; vel qui amore divitiarum, aut honoris, potiusquam mulieris, Matrimonium init. Item in eis, qui divortio sunt disjuncti. Dicitur ergo Matrimonium unio animorum, non quod amor sit illi essentialis, sed quia illam connaturaliter exigit & fovet, hunc autem Deus in casu infunderet. Ad 2. N. Ant. Potest enim Deus ratione supremi domini subijcere aliquem Religioni, & ejus operibus, sicut ipse se per votum subjicit. Quod si velis, hoc vinculum non debere dici Religionis, quia non est ex voto; dicam ut antè esse questionem de nomine. Ad 3. Fundamentum hujus relationis in casu foret voluntas Dei tradentis dominia corporum.

Obj. contra 2. partem. 1. Republica habet dominium in corpora Civium; potest enim ex causa eorum vita privare, seu tradere in servitutem: ergo. 2. Ecclesia potest cogere invitum ad acceptandum Episcopatum, qui est Matrimonium spirituale Episcopi cum Ecclesia: ergo similiter. 3. Antè Trid. juxta cap. *Is, qui fidem* de sponsalibus, sponsalia transibant per copulam in Matrimonium: & cap. *finali* de condition. appos. habetur validum Matrimonium sub conditione impossibili contractum; atque in his casibus non videtur adesse consensus: ergo. R. ad 1. D. Ant. Republica habet dominium in corpora Civium in ordine ad bonum commune, ut contingit in casibus assignatis, C. contra bonum commune, ut accideret, si invitus in Matrimonio compelleret, N. Ad 2. D. Ant. Ecclesia potest præcepto, vel minis cogere, hoc est, inducere invitum, ut consentiat in Episcopatum, C. ut sine consensu fiat Episcopus, N. Similiter Ecclesia potest quandoquæ justis de causis cogere, seu inducere præcepto, vel minis virum & mulierem ad consentiendum Matrimonio; non autem efficere, ut sine consensu sint Matrimonio juncti. Ad 3. Ecclesia in his casibus supponit adesse consensus.

ARTICULUS II.

Qualis debeat esse consensus?

Dico 1. (Suppl. q. 45. art. 4. o.) Consensus, necessariò requisitus ad Matrimonium, debet esse interior, nec sufficiant verba consensus exterioris prolata. Prob. 1. Secundum omnia Jura, & omnes Theologos, consensus requiritur ad Matrimonium; atque vocabulum *Consensus* dicit actum interiore voluntatis. Unde communiter dicitur ex causa 27. q. 2. c. 1. *Matrimonium non coitus facit, sed voluntas*: Innocentio III. cap. *Tua nos* de sponsalibus declarat, irritum fuisse Matrimonium alicujus viri, qui, licet verba exterioris protulisset, quia tamen nomen proprium simulaverat, credebatur non habuisse propositum contrahendi, addens pro ratione: *Quoniam... sine consensu cætera nequeunt fædus perficere conjugale.* Et causa 27. q. 2. cap. *Sufficiat* Nicolaus Papa dicit: *Si consensus in nuptiis solus foret defuerit, cætera omnia etiam cum ipso coitu celebrata frustrantur.* Ratio est; quia nemo transfert a se dominium rei, quam habet, nec graves sibi imponit obligationes, nisi velit: idque est essentialè omni contractui, ut latius probavi *Dis. 1. de Contract. art. 2. inspicie.*

Petes 1. Ad quod tenetur, qui factè consensus? R. regulariter & per se loquendo teneri ponere consensus, & partem deceptam ducere: quia, quando duo contrahunt, una parte sincerè procedente, tenetur altera pariter sincerè procedere, alioquin alteri illud, & contra justitiam agit; atque hoc debetur pro fraudem non extinguatur: ergo. Unde dicit Auctor, *Theol. Billuart. Pars Tertia.*

(*Ibid. ad 1.*) quod fraus, & dolus ei non patrocinantur, nec in foro conscientia, nec in foro Ecclesie, quia in utroque foro pro hoc punitur, quatenus scilicet in utroque obligatur ducere eam, quam decept.

Dixi, *Regulariter, & per se loquendo*; quia in certis casibus non tenetur 1. Si tanta sit conditionis disparitas, vel tanta evidentia fictionis, ut merito censetur, mulierem voluntariè fuisse deceptam. 2. Si mulier deceperit virum, simulando se virginem; tunc enim datur compensatio injuriæ. 3. Si decipiens legitime contrahat cum alia; quia hoc secundum Matrimonium est validum, & primum invalidum. Unde, inquit Auctor, (*Ibid. ad 3.*) *debet potius Excommunicationis sententiam sustinere, quam ad primam uxorem accedere, vel debet in alias Regiones remotas fugere*: tenetur tamen injuriam priori illatam arbitrio prudentum compensare. Sed hic casus rarus est, quia Ecclesia ordinariè præsumit pro primo Matrimonio, nec secundum permittit. 4. Si grandia mala ex tali Matrimonio fundatè timeantur quo casu sufficit compensatio pecuniaria.

Petes 2. Utrum pars decepta teneatur alteri, simpliciter asserenti se non consensisse, credere, & ab usu conjugii abstinere? R. Negativè. Nec enim ipsa Ecclesia sic asserenti credit, sed potest existimare, quod, qui asserit, se prius mentium fuisse, nunc mentiat. *Indignum est*, inquit Innocentius III. c. *Per tuas* de Probationibus, *ut quod sua voce quispiam dilucidè protestatus, in eundem casum proprio valeat testimonio infirmare.* Si tamen evidentia proferret indicia se non consensisse, teneretur alter credere, & posset ad alias nuptias convolare, accedente tamen Judicis Ecclesiastici sententia, si Matrimonium fuit publicum, & passim habitum pro valido. Idem quidam dicunt, si juret, se non consensisse, modò sit de quo præsumi possit, quod non pejeret.

Dico 3. (*Ibid. art. 2. o.*) Consensus internus debet exteriori exprimi per verba, aut signa de præsentī. Ità Florentinum in decreto unionis, *Causa efficiens Matrimonium*, inquit, *regulariter est mutus consensus, per verba de præsentī expressus.* Ubi tò regulariter, ut jam observavi, non afficit consensus exterioris expressum, sed verba, quia regulariter consensus exprimitur per verba; potest tamen exprimi per alia signa verbis æquivalentia. Ratio conclusionis est; quia Matrimonium, & est Sacramentum, consequenter signum sensibile, & contractus humanus: contractus humanus postulat ex natura sua fieri aliquo signo humano, & sensibili, per cum enim homo agit cum homine, ut homo est constans corpore, & anima, nec aliter fiunt ceteri contractus. Plura vide *Dissert. 2. de Contract. art. 1.*

Dices. Cap. *Tua fraternitati* de sponsalibus libr. 4. tit. 1. Innocentius III. dicit: *Matrimonium in veritate contrahitur per legitimum viri, & mulieris consensum; sed necessaria sunt quantum ad Ecclesiam verba consensus exprimentia de præsentī*: ergo. R. Innocentium loqui de verbis propriè dictis, quæ dicit esse necessaria quoad Ecclesiam, quia talis est ejus praxi, & certius per ea illi constat de consensu interno. Patet ex verbis immediate sequentibus: *Nam, inquit, surdi & muti possunt contrahere Matrimonium per consensum mutuum sine verbis*, non tamen sine signis æquivalentibus.

In cap. *Cum loco* ibid. cap. *Sufficiat* causa 27. q. 2. & alibi dicitur, per solum consensus pernici Matrimonium: ergo. R. Tò *Solum* non excludere verba, vel signa consensus exprimentia, sed quædam accidentalia, ut cæremonias, consensus parentum, &c.

Repones. Deus, qui videt animos, potest consensus internos approbare: ergo. R. Potest quidem, sed non sic approbat, ut efficiant Matrimonium; quod voluit, & instituit fieri humano modo. Alia argumenta require loco cit. de Contractibus.

Dixi 1. (*Ibid. ad 1.*) *Per verba, vel signa*, verbis atque æquivalentia; quia modò per hæc exprimitur consensus, sufficunt in Matrimonio, sicut in aliis Contractibus. Unde Innocentius III. mox citatus definit, Matrimonium posse contrahi a surdis, & mutis; & Florentinum dicit, contrahi regulariter per verba, inuens posse aliquando contrahi aliter.

Si petas, quæ signa sufficiant? R. & sit Regula generalis: quoties signum, vel ex natura sua, vel ex Juris dispositione, vel ex Regionis consuetudine est certa nota interni consensus conjugalis erga sponsum, aut sponsam, sufficit ad Matrimonium. Hinc in quibusdam sufficit annuli subarrhatio, in aliis porrectio manûs, in aliis traditio solemnî sponse in domum sponsi, &c. (*Ibid. ad 3.*) imò & consensus Parentum præsentē, & tacente sponsa præ verecundia: nisi forè taceret, quia non consentiret. Observandum tamen, præsentē debere per verba contrahere, quando loqui possunt; quia sic certius innocescit, & facilius potest probari consensus. Unde, qui recusat, & juxta Sylvium, & quosdam alios, peccat mortaliter; quia sine causa recederet a notabili ritu, quem Ecclesia semper observavit, & videtur præcepisse observari cap. citato *Tua Fraternitati*.

pedimentum, coram Parocho, & testibus: aliis indubitatam est, coram illis secundum consensum debere exprimi, cum secus utrobique foret matrimonium clandestinum, adeoque nullum.

Prob. Conclusio. Tota ratio, quæ movit Concilium Trid. ad irritanda matrimonia clandestina, est, ut impedirentur grandia mala, quæ ex eis oriri solent, puta, quòd contrahentes sæpe cohabitent sine vero matrimonio; aut si verum sit, cum probari non possit, dissolvant ad libitum, & ad alias nuptias transcant; atqui ista ratio cessat in nostro casu, nec talia inconvenientia inde obvenire possunt; constat enim Ecclesie de ejus valore, quantum constare potest; nec potest malitiosè dissolvi, cum fuerit contractum in facie Ecclesie, & ejus nullitas non possit probari, ut supponimus. Imò gravia incommoda, & gravissima scandala sæpissimè sequerentur, si matrimonia, quæ publicè valida habebantur, iterum coram Parocho, & testibus contrahi deberent: ergo merito colligimus, Tridentinum in suo Decreto non comprehendisse casum quo matrimonium antè publicè contractum, sed occultè invalidum, revalidari debeat.

Confirm. 1. Concilium Trid. ut ex textu patet, solum intendit irritare matrimonia clandestina, quæ jam erant antè prohibita; atqui nullibi apparet, prohibitam fuisse occultam revalidationem matrimonii, prius in facie Ecclesie celebrati, sed ob impedimentum occultum invalidi. Confirm. 2. Quia juxta styllum Curie, in Rescripto dispensationis super hunc casum a majori Penitentiario ponitur: *Dispenso, ut matrimonium secreto inter se contrahere valeant.*

Opponitur ex Comitolo lib. 1. Resp. moral. q. 120. contraria resolutio Clementis VIII. Verùm nos vicissim opponimus aliam resolutionem S. Pii V. Clementinæ contrariam ex Navarro c. 22. n. 7. & lib. 4. Consil. Cons. 14. Item aliam S. Congregationis pariter contrariam, ut legitur in remiss. ad Concil. Trid. Sess. 24. c. 1. de Ref. matrimon. At neque ex illa, neque ex istis declarationibus aliquid certò erui potest pro alterutra sententia; quia non sunt authenticæ. Et fortè in casu Clementis VIII. nullum periculum, aut damnum sequeretur ex iteratione publica matrimonii; unde merito præcipiebatur, quod est tutius; fortè aut damnum sequeretur ex iteratione publica matrimonii: unde merito præcipiebatur, quod est tutius; fortè autem sequeretur in casu S. Pii V. Sic enim, & nos quantum ad praxim suademus, quod est tutius, scilicet revalidationem publicam matrimonii, in quantum fieri potest sine gravi damno, aut scandalo. Et si Parochus difficile adesse possit, Confessarius ab eo obtineat licentiam, quam in hoc casu dare tenetur Parochus, & coram duobus fideissimis testibus secreto agatur. Sed si nec ità res facillè fieri possit, tunc locus est sententia assertæ.

Petes, an, si in Rescripto dispensationis ponantur hæc vel similia verba: *Dispenso, ut inter se publicè, & servata forma Tridentini, contrahant,* possint nihilominus renovare consensum inter se sine Parocho, & testibus, si jam prius contraxerant coram illis? Respondent affirmativè Silvius hic q. 45. art. 2. Pontius, Sporer, & alii: quia forma Concilii, quam intendit dispensatio, cum servata est, nec ipsi attentarunt aliter contrahere, quam coram Parocho, & testibus.

DIGRESSIO HISTORICA.

Utrum inter B. Virginem, & S. Josephum fuerit verum Matrimonium?

Ad Art. 5. Præcedentis Dissert.

Dico. (3. p. q. 29. art. 2. c.) Inter B. Virginem, & S. Josephum fuit verum matrimonium. Est communior, & verior.

Prob. ex Scriptura. Matth. 1. dicitur: *Jacob genuit Joseph virum Mariæ.* Item: *Cum esset desponsata Mater ejus Mariæ Joseph. Item: Joseph vir ejus. Et, nolite timere accipere Mariam conjugem tuam.* Luc. 2. Joseph ascendit in Bethleem cum Mariæ desponsata sibi uxore pregnante. Confirm. ex verbis Virginis Luc. 2. sic alloquentis Filium: *Pater tuus, & ego dolentes quærebamus te.* Item verbis ejusdem Evangelistæ: *Erant Pater ejus, & Mater mirantes.* Non sic locuta fuisset Mater filio, nec Evangelista fidelibus, nisi Joseph fuisset Mariæ conjux. Confirm. iterum ex eo, quòd Judæi vocabant Jesum filium Joseph, filium Fabri, & Joseph patrem ejus: hujus autem Judæorum opinionis, tametsi falsæ, alia ratio non fuit, quam quia natum erat Joseph, & Mariam esse verè conjuges; alioquin Judæi Christo indubie exprobrasset, ipsum ex fornicatione esse natum.

Prob. ex Patribus S. Ambrosius lib. de Institut. Virginis c. 6. contrà id, quòd objiciebatur tunc, & etiam nunc objici-

tur, inter B. Virg. & Joseph non fuisse verum conjugium; quia inter eos non intercessit copula carnalis, dicit: *Nec illud moveat, quòd ait, quia Joseph accepit conjugem suam; cum enim initiatur conjugium, tunc conjugii nomen adscribitur. Non enim desolatio Virginis facit conjugium, sed pactio conjugalis. Denique, cum jungitur puella, conjugium est, non cum viri admixtione cognoscitur.* S. Aug. lib. 5. cap. 12. adversùs Julian. qui dicebat Mariam fuisse conjugem Joseph in hominum opinione tantum, sicut Luc. 3. dicitur de Christo, quòd putabatur Filius Joseph, sic arguit: *Numquid & Angelus loquens unicus ad unum contrà conscientiam & suam, & ipsius, cui loquebatur, secundum opinionem potius, quam secundum veritatem, fuerat locutus, qui et dixit: nolite timere accipere Mariam conjugem tuam? Dicit autem Lucas Evangelista de Domino, quòd putabatur Filius Joseph, quia ità putabatur, per ejus concubitum genitus crederetur. Hanc falsam voluit removere opinionem, non Mariam illius viri negare conjugem, contrà Angelum testem. Eandem veritatem asserit Aug. variis in locis serm. 63. de diversis lib. 1. de nupt. & concupisc. cap. 11. lib. 2. de consensu Evang. c. 1. & alibi. Similiter alii Patres.*

Huc accedunt rationes (lb. art. 1. o.), propter quas congreuebat, ut Christus nasceretur ex Virgine desponsata. Duedecim enumerat S. Thom. quarum precipue sunt 1. ut per genealogiam Joseph, cui Maria erat cognata, origo quoque Mariæ monstraretur, 2. Ne ipsa Virgo, si extrà matrimonium filium haberet, infamaretur tamquam fornicaria, aut etiàm lapidaretur secundum legem Deut. 22. & filius ejus tamquam ex fornicatione natus pro Messia non reciperetur, 3. Ut B. Virgo fugiens in Ægyptum haberet solatium; atque inde revertens ipsa, & Filius haberent obsequia, & subsidia paternae. 4. Ut ejus partus celaretur diabolo, dum occasione matrimonii deceptus putat illum non de Virgine, sed de uxore natum; quamvis enim potuisset discernere inter Virginem, & corruptam, attamen, vel id ex divina dispensatione non fuit permisissum, vel ad singula in rebus humanis non semper attendit.

Obj. 1. ex Scriptura. Matth. 1. Luc. 1. & 2. Maria Virgo dicitur tantum desponsata Joseph: ergo non erat conjugata. Item ibid. Joseph cum invenisset Mariam habentem in utero, voluit occultè dimittere eam. Juxta verò Deuter. 24. vir non poterat dimittere uxorem, nisi dato illi libello repudii: ergo Joseph non habebat Mariam pro uxore. R. ad 1. juxta morem Scripturæ ii dicuntur sponsi, & sponsæ, qui, quamvis per verba de presentis sint conjuncti, nondum tamèn sunt carnaliter commixti: sic etiàm nos loquimur, dum in nuptiarum celebratione vocamus conjunctos sponsum, & sponsam. Unde Luc. 2. Joseph dicitur ascendisse in Bethleem cum Maria sibi desponsata uxore; ex quo manifestum est, fuisse eandem simul desponsatam, & uxorem. Ad 2. libellus repudii secundum legem non dabatur, nisi cum vir sic dimittit uxorem, ut illi faceret potestatem alteri nubendi; non autem Joseph volebat dimittere uxorem, ut ipse aliam duceret, & illi permetteret alium ducere. Sed volebat eam occultè dimittere quoad habitationem tantum: cum enim videret illam sanctam, & causam ignoraret; & aliunde perspectam haberet ejus pudicitiam, noluit eam tradere ut adulteram: voluit tamèn occultè se ab ea separare, ne fortè, si vi illata, aut aliqua ratione sibi incognita, fuisset imprægnata, eam retinendo aliquam infamiam incurreret.

Obj. 2. ex SS. Patribus. Multi Patres dicunt, Mariam mansisse innuptam, & non fuisse uxorem Joseph. Epiphanius hæresi 78. *Desponsata, inquit, fuit Maria, non nupta; & videbatur uxor, & non erat.* Hieron. contr. Helvid. & in c. 1. Matth. ad hæc verba, *Jacob genuit Joseph virum Mariæ, ait: Cum virum audieris, suspicio tibi non subeat nuptiarum, sed recordare consuetudinè Scripturarum, quòd sponsi viri, & sponsæ uxores vocantur.* Aug. Sermon. 17. de temp. de B. Virg. scribit: *Concepta Virgo, antequàm sponsum haberet, parit antequàm nubat.* Greg. in Evang. lib. 2. hom. 26. de Joseph ait: *Qui tamèn ad ejus (Mariæ) nuptias non pervenit: ergo, R. SS. Patres propugnantes contrà Hæreticos Virginitatem Mariæ in his & similibus sententiis vocare nuptias, consummationem matrimonii; & nuptas, seu uxores, jam viro cognitatas; sicut innuptas, & sponsas vocant, quæ, licet sint matrimonio junctæ, nondum tamèn sunt cognitæ viris.* Unde Epiphani. loco cit. dicit, quòd Virgo non fuerit uxor Joseph; *Quatenus nullam cum eo habuit corporis copulationem: & Hieron. quatenus ocula amplexusque non misecerunt, nec rem egerunt nuptiarum.* Item censendum de aliis Insuper sermo laudatus de tempore non est Augustini.

Obj. 3. Secundum communem opinionem B. Virgo emiserat votum castitatis, antequàm desponsaretur Joseph; atqui stante ejus voto non poterat matrimonium inire: ergo, R. hujus argumenti solutio patet ex art. 5. præced. Dissert. Si-

ve ergo B. Virgo antè desponsationem voverit castitatem conditionatè tantum, ut sentit Auctor 3. p. q. 28. art. 4. sive absolutè, ut voluit alii, votum ejus non repugnabat matrimonio; quia matrimonium, ut diximus, consistit in traditione potestatis in mutua copora, quæ potestas potest separari ab usu. Solutum autem usum repugnat voto castitatis. (In 4. d. 30.) Cum itaque B. Virgo sciret ex divina revelatione, & instinctu, quòd usus nunquam sequeretur, potuit sine læsione voti, etiamsi absolutè, tradere potestatem sui corporis Joseph, & acceptare potestatem illius, sicut facere verum matrimonium.

Petes, utrum Matrimonium inter Virg. & Joseph fuerit perfectum? R. fuisse perfectum perfectione essentiali, quæ consistit in mutua traditione, & acceptance potestatis in corpora. Defuit autem illi aliqua perfectio accidentalitatis, nempe copula carnalis, per quam significaretur unio Christi cum Ecclesia per naturam: sed non erat opus hæc illa significatione, quia in illo matrimonio res ipsa erat exhibenda, scilicet Verbi Incarnatio, per quam conjugitur Ecclesie secundum naturam.



DISSERTATIO IV.

DE BONIS ET ACTU MATRIMONII.

D. Th. Q. 49. & 64.

ARTICULUS I.

De bonis Matrimonii.

EX Aug. & aliis Patribus impugnantibus Hæreticos, qui negabant nuptias esse licitas, iuductum est in scholas nuptias per quædam bona excusari, ideoque esse licitas. (Suppl. q. 49. art. 4. o.) Excusatio hæc non sumitur ex parte agentis, ut cum quis agit, quòd est per se malum, excusatur per ignorantiam, aut inadvertentiam; sed ex parte actûs, quatenus fit bonus, & licitus. Tria assignantur (Ibid. art. 2. & in resp. ad arg.) Matrimonii bona, *Proles, Fidelitas, & Sacramentum.* Prolelem non intelligitur sola ejus procreatio, sed etiàm ejus educatio, & religiosa institutio. Per Fidelitatem intelligitur fidelitas, quam conjuges sibi invicem debent, sic ut neuter comparti peccenti debitum denegat, nec alteri commisceatur. Per Sacramentum intelligitur firmitas, & indissolubilitas, quam hæbet ex særa significatione. Quamvis enim vinculum matrimonii sit ex se indissolubile, ut dicemus; ex hoc tamèn quòd Deus ipsum instituit ad significandum conjunctionem Christi cum Ecclesia, majorem habet firmitatem, & indissolubilitatem. Unde hæc tria bona reperuntur etiàm in Matrimonio Infidelium; ordinantur enim ad prolelem, obligant ad fidem, habent & aliquam sacram significationem.

Dico. (Ibid. art. 1. & 2.) Convenienter assignantur tria bona, *Proles, Fidelitas, & Sacramentum*, quibus excusatur matrimonium. Prob. (Ibid.) Nemo sapiens debet jacturam aliquam sustinere, nisi pro aliqua recompensatione alicujus æqualis, vel melioris boni; atqui in matrimonio plures incurruntur jacturæ, plura damna, & incommoda, quæ his tribus bonis assignatis non compensantur: ergo, Prob. Min. Tria potissimum damna, & incommoda incurruntur in matrimonio: primum libido, & ex ea resultat detrimentum usus rationis, debilitatio corporis, & sensuum obtusio; & hoc damnum compensatur bono proli, seu procreatione liberorum, quibus genus humanum propagatur, & Deus perpetuo colitur. Secundum damnum est sollicitudo molesta placendi comparti, suscipiendi, concipendi, parturienti, educandi proles, & rebus familie providendi; hæc damnum compensatur bono fidei, quæ alter alteri tenetur reddere debitum, nec potest alteri commisceari. Tertium damnum est perpetua quædam subjectio, seu servitus, qua vir uxori, & uxor viro obligatur; & istud damnum compensatur bono Sacramenti, id est, vinculi indissolubilis, quo conjuges representant conjunctionem Christi cum Ecclesia, tenenturque se invicem diligere, sicut Christus dilexit Ecclesiam. Sumitur enim hæc Sacramentum, ut dictum est, pro vinculo indissolubili matrimonii, quòd est res, & Sacramentum. Quamquam etiàm multò magis compensetur hoc damnum bono Sacramenti propriè sumpti pro signo efficaci gratiæ, quatenus sanctificat conjuges, eis confert auxilia supernaturalia ad se mutuo diligendum, præstandaque suaviter & fideliter usque ad finem vite cætera munia, & onera matrimonialia.

Dico. Vel matrimonium est de se bonum, & sic non indiget magis excusari, quàm alia bona, vel est malum, & sic nulla excusatio sufficit, vel est indifferentis, & neque sic opus habet excusatione, quæmadmodum, nec alia res indifferentes, ut ambulare, loqui, &c. ergo, R. (Ibid. art. 1. ad 2.) Matrimonium esse simpliciter, & absolutè bonum, ideoque reverè nullis bonis extrinsecis indigere, quibus honestetur, quomòdò ea, quæ sunt indifferentia, aut in malum somnata de se non bona possunt honestari. Quia tamèn secum addat multa incommoda, indiget illis bonis, quæ vocantur bona matrimonii, quæ quidem sunt de ratione ipsius, quantum nempe

pè ad intentionem, si non contrahentium, saltem instituentis matrimonium; & hoc sensu dicitur excusari, & honestari per ea quasi per sua essentialia, & causantia in illo honestatem, quæ ipsi secundum se competit.

Inferes. Ergo omnia illa, quæ sunt ex se bona, possunt etiàm dici excusari, & honestari per sua essentialia, & intrinseca. R. N. Cons. Quia alia bona non semper secum adferunt speciem turpitudinis, nec tot, & tanta incommoda, quæ compensari indigent, sicut matrimonium. Unde cum majori proprietate dicitur illud excusari, & honestari per sua bona quàm alia res, seu actus boni.

ARTICULUS II.

De actu Matrimonii.

§. 1. Utrum actus conjugalis excusetur per bona Matrimonii.

Quamvis Diss. 1. hujus Tract. art. 2. §. 3. jam probaverimus, actum matrimonii esse licitum, & posse esse meritum: occasione tamèn honorum matrimonii hæc adhuc breviter inquirimus cum Auctore, an & quomòdò per ista bona excusetur. Unde

Dico. Actus matrimonialis sic excusatur per bona assignata, ut sit bonus, & possit esse sanctus. Ratio 1. partis; quia per bonum proli habetur intentio debiti finis, per bonum fidei habetur debita materia; & per hæc actus recedit a duobus extremis, mollitie, & fornicatione, inter utrumque tenens medium, sicut constituitur in ratione virtutis moralis, quæ consistit in medio. Ratio 2. partis est; quia indissolubilitas, quæ dicitur Sacramentum, ex divina institutione significat conjunctionem Christi, & Ecclesie in carne, in gratia, charitate, & gloria. Si ergo conjuges adjuti gratia intendant in actu matrimonii hunc finem, scilicet procreare prolem non solum ut filium hominis naturalem, sed ut Ecclesie colonum, filium Dei adoptivum, & cælestis Regni hæredem, religiosa educatione perficiendum, actus matrimonii non solum erit bonus generaliter ratione virtutis, sed etiàm sanctus, & meritorius.

Dico 1. Qui sustinet damnum majoris boni propter minus bonum, peccat; quia inordinatè agit; atqui bonum rationis, quòd læditur in ipso actu conjugali, est majus, quàm hæc tria bona conjugum: ergo prædicta bona non sufficiunt ad excusandum, &c. R. D. Maj. (Ibid. art. 4. ad 1.) Qui sustinet damnum majoris boni quoad habitum, propter minus bonum, peccat, C. Maj. Qui sustinet damnum majoris boni, quoad actum brevem, propter &c. N. Maj. Non enim est inconveniens, quòd quandoquæ aliquis actus, qui est melior secundum genus snum, tantillum patitur eclipsem propter minus bonum, quòd est permanentius, & ad perpetuitatem boni communis necessarium; sic licet quandoquæ dormire, quandoquæ ab actu contemplationis vacare, ut vacetur activæ vitæ. Jam autem damnum rationis, quòd homo incurrit per actum matrimonii, non est per modum habitus, sed per modum actus transcensit.

Inferes. Ergo pariter licet se inebriare ad recuperandam sanitatem. R. N. Illationem. Disparitas est 1. Quod se inebriare secundum se sit malum, consequentèr nullo bono fine coherendum; non sic actus matrimonialis. 2. Ebricitas neque a Deo, neque a natura est ordinata ad recuperandam sanitatem, sicut actus matrimonii est ordinatus ad generandum prolem. 3. In ebricitate totalitèr absorbetur ratio, & auctur potentia proxima ad illum pro nutu recuperandam, non sic in actu matrimonii. Vide plura de hoc arg. Diss. 3. de Temperantia art. 3.

Dico 2. Hæc bona efficiere non possunt, quomòdò dele-